



Jadual Pembacaan Khutbah Jumaat

Siri 8/ 2023

(Ogos Tahun 2023)

تاریخ	تاجوق	ب
4 Ogos 2023M/ 17 Muharram 1444H	Kepimpinan: Antara Taklif dan Tasyrif	1.
11 Ogos 2023M/ 24 Muharram 1444H	Istiqamah Berubah Ke Arah Kebaikan	2.
18 Ogos 2023M/ 1 Safar 1444H	Penjagaan Ikhtilat Di Tempat Kerja	3.
25 Ogos 2023M/ 8 Safar 1444H	Benarkah Kita Merdeka?	4.
Khutbah Kedua		

دبیایاء:



زكاة فولاو فینغ

دتریبتکن:



جابتن حال إحوال اکام اسلام فولاو فینغ

Jawatankuasa Panel Semakan Teks Khutbah Negeri Pulau Pinang

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Ahli Jawatankuasa Fatwa Negeri Pulau Pinang
- 7. Ustaz Subki bin Mohamed**
Mantan Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Penjagaan Ikhtilat Di Tempat Kerja

18 Ogos 2023M/ 1 Safar 1444H

الْحَمْدُ لِلَّهِ الَّذِي حَرَّمَ الْفَوَاحِشَ مَا ظَهَرَ مِنْهَا وَمَا بَطَنَ، وَنَهَى عَنِ الْإِخْتِلَاطِ
الْمَوْصِلِ إِلَيْهَا حِمَايَةً مِنَ الشُّرُورِ وَالْفِتَنِ،

وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ،

صَلَّى اللَّهُ وَسَلَّم وَبَارَكَ عَلَى نَبِيِّنَا مُحَمَّدٍ الْأَمِينِ وَعَلَى آلِهِ وَأَصْحَابِهِ وَالتَّابِعِينَ
لَهُمْ بِإِحْسَانٍ إِلَى يَوْمِ الدِّينِ.

أَمَّا بَعْدُ؛ فَيَا عِبَادَ اللَّهِ، اتَّقُوا اللَّهَ تَعَالَى وَأَطِيعُوهُ؛ يَقُولُ اللَّهُ تَعَالَى: وَلَا تَقْرَبُوا الزِّنَىٰ
إِنَّهُ كَانَ فَحِشَةً وَسَاءَ سَبِيلًا ﴿٣٢﴾

MUSLIMIN RAHIMAKUMULLAH,

Saya berpesan kepada diri saya dan menyeru jemaah yang dikasihi
sekalian, marilah sama-sama kita meningkatkan ketakwaan kepada Allah
سُبْحَانَهُ وَتَعَالَىٰ dengan bersungguh-sungguh melaksanakan segala perintah-
Nya dan meninggalkan segala larangan-Nya. Mudah-mudahan kehidupan
ini mendapat keberkatan di dunia dan di akhirat. Marilah kita tumpukan
perhatian kepada khutbah yang akan disampaikan. Cukup-cukuplah kita
dengan perbuatan-perbuatan yang boleh merosakkan ganjaran pahala
Jumaat kita. Usah bercakap-cakap, simpanlah telefon bimbit untuk



seketika. Semoga khutbah yang disampaikan dapat diambil panduan dan pesanannya. Mimbar Jumaat pada hari ini akan membicarakan tajuk: **“Penjagaan Ikhtilat Di Tempat Kerja.”**

SIDANG JEMAAH YANG DIRAHMATI ALLAH SEKALIAN,

Ajaran Islam amat menitik beratkan batasan pergaulan antara lelaki dan perempuan. Pergaulan atau percampuran tanpa batasan antara lelaki dan perempuan selayaknya dilihat sebagai sesuatu yang besar kesannya kepada keruntuhan umat.

Syariat Islam tidak melarang pergaulan antara lelaki dan wanita asalkan mengikut lunas dan prinsip-prinsip yang ditetapkan oleh syarak. Malah Islam menggalakkan pergaulan yang sihat dan membuahkan manfaat kepada mereka. Hadis daripada Saidina Umar Ibni Al-Khattab رَضِيَ اللَّهُ عَنْهُ bahawa Rasulullah صَلَّى اللَّهُ عَلَيْهِ وَسَلَّمَ bersabda:

أَلَّا لَا يَخْلُونَ رَجُلٌ بِامْرَأَةٍ إِلَّا كَانَ ثَالِثَهُمَا الشَّيْطَانُ

Maksudnya: *“Ketahuilah bahawa tidaklah berdua-duaan seorang lelaki dan seorang perempuan itu melainkan yang ketiganya adalah syaitan.”*

﴿Hadis Riwayat At-Tirmizi﴾

SIDANG JEMAAH YANG DIRAHMATI ALLAH,

Islam telah menetapkan peraturan bahawa antara lelaki dan perempuan wajib mengawal pandangan dan tidak bebas bergaul antara

keduanya. Sedangkan pandangan mata sahaja pun Islam sudah mengawal, inikan pula lebih dari itu seperti berbual mesra, keluar bersama-sama, berpegangan tangan. Islam tidak pernah merestui hubungan lelaki dan perempuan yang bukan mahram dan belum berkahwin tanpa batasan. Ia hanya akan meletakkan diri seseorang itu dalam keadaan berdosa serta boleh menjerumuskan diri ke dalam penzinaan. Firman Allah dalam surah Al-Isra' ayat 32:

وَلَا تَقْرَبُوا الزَّيْنَىٰ إِنَّهُ كَانَ فَحِشَةً وَسَاءَ سَبِيلًا ﴿٣٢﴾

Maksudnya: *“Dan janganlah kamu menghampiri zina, sesungguhnya zina itu adalah satu perbuatan yang keji dan satu jalan yang jahat (yang membawa kerosakkan).”*

MUSLIMIN RAHIMAKUMULLAH,

Mutakhir ini hubungan pergaulan di tempat kerja yang tidak terkawal di antara lelaki dan wanita berupaya menimbulkan fitnah yang mengundang kepada zina. Sebagai contoh, apabila seorang lelaki keluar berdua-duaan bersama wanita yang bukan mahram, bergurau senda yang berlebihan dan keterlaluan, maka perbuatan tersebut sudah tentu mengundang fitnah dan murka Allah. Tidak kira sama ada seseorang itu sudah berkahwin atau bujang, batasan pergaulan hendaklah dijaga.

Rasulullah ﷺ menasihatkan para wanita supaya mengasingkan sedikit laluan perjalanan mereka ketika melalui jalan. Ini

adalah bagi mengelakkan fitnah yang mungkin berlaku. Sebuah hadis Riwayat Abu Usaid Al-Ansari:

رَوَى أَبُو أُسَيْدٍ الْأَنْصَارِيُّ أَنَّهُ سَمِعَ رَسُولَ اللَّهِ صَلَّى اللَّهُ عَلَيْهِ وَسَلَّمَ يَقُولُ وَهُوَ خَارِجٌ مِنَ الْمَسْجِدِ فَاخْتَلَطَ الرِّجَالُ مَعَ النِّسَاءِ فِي الطَّرِيقِ فَقَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ : لِلنِّسَاءِ اسْتَأْخِرْنَ فَإِنَّهُ لَيْسَ لَكُنَّ أَنْ تَحْقُقْنَ الطَّرِيقَ

Maksudnya: “Abu Usaid Al-Ansari pernah mendengar Rasulullah ﷺ menegur ketika Baginda keluar dari masjid, para lelaki dan wanita berselisih (bercampur) dalam perjalanan mereka, lalu Rasulullah ﷺ bersabda: Jauhkan sedikit laluan kamu, janganlah kamu berjalan di pertengahan jalan (sehingga bercampur lelaki dan wanita).” ﴿Hadis Riwayat Abu Daud﴾

Bayangkan, kalau di masjid dalam keadaan ingin beribadah dalam suasana yang baik sekalipun boleh terdedah dengan fitnah, maka apatah lagi dalam suasana di tempat kerja. Bataskan pergaulan, usah bergurau dengan gurauan yang melampau dan berbaur lucah. Ingatlah, bermula dari cetusan yang sedikit, syaitan berupaya membisikkan godaan zina yang memusnahkan.

Pada prinsipnya, perhubungan di antara lelaki dan wanita tidaklah ditolak secara total, malahan dibolehkan selagi mana ia bermatlamatkan kebaikan dan atas perkara-perkara yang dibenarkan syarak, dalam batasan akhlak dan adab.

Kepada lelaki yang bergelar suami kepada seorang wanita, jangan biarkan nafsu mengawal diri. Jagalah pergaulan di tempat kerja agar tidak melampaui batas. Sedarlah bahawasanya kita sentiasa diawasi 24 jam oleh malaikat Raqib (رَقِيب) dan Atid (عَتِيد).

SIDANG JEMAAH YANG DIRAHMATI ALLAH,

Sebagai intipati khutbah pada petang ini, marilah kita menghayati perkara-perkara berikut:

Pertama: Menahan dan menjaga pandangan daripada tidak melihat aurat sesama manusia, memandang dengan pandangan yang bernafsu atau memandang dengan pandangan yang lama tanpa keperluan.

Kedua: Mengelak daripada membuat sebarang pertemuan di tempat yang boleh menimbulkan fitnah serta menjauhi perbuatan maksiat dan dosa.

Ketiga: Serius ketika bercakap, berhujah dan berbincang bersama wanita yang bukan mahram dan elakkan bergurau senda secara berlebihan atau seumpamanya.

Firman Allah **سُبْحَانَهُ وَتَعَالَى** dalam surah Al-Isra' ayat 13-14:

وَكُلِّ إِنْسَانٍ أَلْزَمْنَاهُ طَبِيرَهُ فِي غُنْقِهِ ۖ وَنُخْرِجُهُ لَهُ يَوْمَ الْقِيَمَةِ كِتَابًا يَلْقَاهُ مَنشُورًا ﴿١٣﴾

أَقْرَأُ كِتَابَكَ كَفَىٰ بِنَفْسِكَ الْيَوْمَ عَلَيْكَ حَسِيبًا ﴿١٤﴾

Maksudnya: “Dan tiap-tiap seorang manusia, Kami kalungkan bahagian nasibnya di lehernya, dan pada Hari Kiamat kelak, kami akan keluarkan kepadanya kitab (suratan amalannya) yang akan didapatinya terbuka (untuk tatapannya). (Lalu Kami perintahkan kepadanya): “Bacalah kitab (suratan amal)mu, cukuplah kamu sendiri pada hari ini, menjadi penghitung terhadap dirimu (tentang segala yang telah engkau lakukan).”

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهِدْيِ سَيِّدِ الْمُرْسَلِينَ، أَقُولُ
مَا سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ،
إِنَّهُ هُوَ الْغَفُورُ الرَّحِيمُ.



Khutbah Kedua Bulan Ogos

2023M/ 14445H

الْحَمْدُ لِلَّهِ عَلَى آلَائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِحُشْنِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا
حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

[الأحزاب: 56]

اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ مُحَمَّدٍ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ، اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَدَنَا
أُمُورِنَا.



اللَّهُمَّ وَفَّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرِّبَا وَالزُّنَا وَالزَّلَازِلَ وَالْمِحْنَ وَسُوءَ
الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ
عَامَّةً يَا رَبَّ الْعَالَمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP).

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta, memberi

atau menerima rasuah dan segala perbuatan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.
عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾ فَادْكُرُوا اللَّهَ الْجَلِيلَ يَذْكُرْكُمْ،
وَأَشْكُرُوهُ عَلَىٰ نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١١﴾